

## Հաշվետվություն

2024 թվականի օգոստոսի 6-ից 10-ը Ամերիկայի Միացյալ Նահանգներ  
(Նյու Յորք) կատարած գործուղման արդյունքների մասին

### 1. Անունը, ազգանունը, զբաղեցրած պաշտոնը

Միեր Խաչատրյան, Կադաստրի կոմիտեի գլխավոր քարտուղար  
Մարինե Սահակյան, Կադաստրի կոմիտեի արտաքին կապերի վարչության  
պետ

### 2. Գործուղման վայրը և ժամկետները.

Ամերիկայի Միացյալ Նահանգներ, Նյու Յորք, օգոստոսի 6-ից 10-ը

### 3. Հրավիրող կողմը.

ՄԱԿ-ի համաշխարհային երկրատարածական տեղեկատվության կառավարման  
փորձագետների կոմիտե (UN-GGIM)

### 4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն ՄԱԿ-ի համաշխարհային երկրատարածական  
տեղեկատվության կառավարման փորձագետների կոմիտեի (UN-GGIM) 14-րդ  
նստաշրջանին

### 5. Քննարկված թեմաները.

- ✓ համաշխարհային երկրատարածական տեղեկատվության կառավարման  
ամրապնդման մեխանիզմներ,
- ✓ տարածաշրջանային կոմիտեների ներդրումը երկրատարածական  
տեղեկատվությանն առնչվող համաշխարհային գործունեության  
շրջանակներում,
- ✓ թեմատիկ ցանցերի ներդրումը երկրատարածական տեղեկատվությանն  
առնչվող համաշխարհային գործունեության շրջանակներում,
- ✓ երկրատարածական տեղեկատվության ապագա էկոհամակարգ,
- ✓ երկրատարածական տեղեկատվության համալիր համակարգ,
- ✓ համաշխարհային գեոդեզիական կոորդինատային համակարգ,
- ✓ երկրատարածական տեղեկատվություն կիրառումը կայուն զարգացման և  
կլիմայի դիմացկունության ձևավորման համար,
- ✓ երկրատարածական տեղեկատվության և վիճակագրական և այլ  
համապատասխան տվյալների ինտեգրում,

- ✓ երկրատարածական տեղեկատվության կիրառումը հողօգտագործման և հողաշինարարության բնագավառում,
- ✓ երկրատարածական տեղեկատվությունը և ծառայությունները՝ ուղղված աղետների դեմ պայքարին,
- ✓ համալիր երկրատարածական տեղեկատվությունը ծովային ռեսուրսների վերաբերյալ,
- ✓ ստանդարտների ընդունում և իրականացում, երկրատարածական տեղեկատվության հարցերով զբաղվող համաշխարհային համայնքի համար,
- ✓ համագործակցություն ՄԱԿ-ի աշխարհագրական անվանումների փորձագետների խմբի հետ,

## **6. Հանդիպումները, ելույթները, բարձրացված կամ քննարկված հարցերը.**

Կադաստրի կոմիտեի նախաձեռնությամբ տեղի ունեցավ հանդիպում Շվեդիայի քարտեզագրման, կադաստրային և հողերի գրանցման մարմնի (Lantmäteriet) ղեկավարի, ինչպես նաև աշխատանքային քննարկում ստորաբաժանումների ղեկավարների միջև: Ընդգծելով նախկինում իրականացված համատեղ ծրագրերի արդյունավետությունը՝ առաջարկվեց քայլեր ձեռնարկել փոխգործակցությունը վերսկսելու, համագործակցության նոր ուղղություններ (Կորորդինատային համակարգերի, գեոդեզիական ցանցի արդիականացում ու զարգացում և այլն) սահմանելու նպատակով:

Պայմանավորվածություն ձեռք բերվեց ակտիվացնել համագործակցությունը երկու երկրների լիազոր մարմինների ստորաբաժանումների միջև, ինչը էապես կխթանի մասնագիտական ոլորտում փորձի փոխանակումն ու կարողությունների զարգացումը: Աշխատանքային քննարկումների շրջանակներում դիտարկվեց ՄԱԿ-ի երկրատարածական տեղեկատվության գլոբալ կառավարման յոթերորդ բարձր մակարդակի համաժողովին Կադաստրի կոմիտեի մասնակցության հնարավորությունը: Վերոնշյալ համաժողովը կշարունակի ՄԱԿ-ի երկրատարածական տեղեկատվության գլոբալ կառավարման կանոնավոր բարձր մակարդակի, բազմակողմանի քննարկումները երկրատարածական տեղեկատվության գլոբալ կառավարման վերաբերյալ գլոբալ համաժողովների գումարման միջոցով, որոնք ուղղված են անդամ պետությունների և համապատասխան միջազգային կազմակերպությունների, ՄԱԿ-ի համակարգի կառույցների և շահագրգիռ կողմերի միջև համապարփակ երկխոսության խթանմանը:

Նիդերլանդների Թագավորության Կադաստրի, հողերի հաշվառման և քարտեզագրման գործակալության (Kadaster) գործընկերների հետ հանդիպման ընթացքում ևս պայմանավորվածություն ձեռք բերվեց, հաշվի առնելով երկու երկրների ոլորտային գերատեսչությունների միջև համագործակցության դրական փորձը, ակտիվացնել շփումները նոր ծրագրերի մշակման և արդյունավետ իրականացման նպատակով:

**7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

ՄԱԿ-ի համաշխարհային երկրատարածական տեղեկատվության կառավարման փորձագետների կոմիտեի (UN-GGIM) 14-րդ նստաշրջանում ի գիտություն է ընդունվել աշխատանքային խմբերի կողմից նախորդ տարվա ընթացքում իրականացված աշխատանքների վերաբերյալ ներկայացված հաշվետվությունները, հաստատվել է 15-րդ նստաշրջանի նախնական օրակարգը և անցկացման ժամկետները:

**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Առաջարկվել է խթանել փորձագետների կոմիտեի (մասնավորապես՝ եվրոպական տարածաշրջանային կոմիտեի) և աշխատանքային խմբերի գործունեությունը, առավել հաճախակի կազմակերպել ոլորտային միջազգային կազմակերպությունների ներկայացուցիչների, մասնագիտական լայն շրջանակների ներգրավվածությամբ առցանց հանդիպումներ:

**9. Ստորագրությունը, ամսաթիվը:**

Մհեր Իսախանյան

Մարինե Սահակյան



13.08.2024 թ.